

KI

SYRWET UMJER

SWEETYMOM RYNJAH

1989

Acc No - 9750/8.1

Class No 895.93 R 99 Sup

Author Rynjah . S

Title Kasawet Umjer

Borrower's
No

Due Date

Borrower's
No

Due Date

5 JUL 2008

Acc No 9750/8.1
STATE CENTRAL LIBRARY
GOVERNMENT OF MEGHALAYA
SHILLONG

- 1 Books may be retained for a period not exceeding 15 days by members
 - 2 Books may be renewed on request at the discretion of the Librarian
 - 3 Dog-eared the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book
 - 4 Any such injury to a book is a serious offence. Unless a borrower points out the injury at the time of borrowing the book, he/she shall be required to replace the book or pay its price
- Help to keep this book fresh & clean**

KI

SYRWET UMJER

SWEFTYMON RYNJAH



Sien shon nyngkong - 1989

COPIES 1000
CHECKED

State Central Library
Shillong

KI SYRWET UMJER

KI POIM

	pej
I Ka Maia u Blei ha u Khasi Nylla	1
II U Khasi bad ka kamaı spah	8
III Dustur Khein kur ha u Khasi	11
IV Poikha ha u Khasi Nylla	16
V Akor burom ha u Khasi	18
VI Jingsdang ka Synshar Syiem ha u Khasi	21
VII Ka Bor U Syiem ha ka Riti Synshar u Khasi	25
VIII Iewduh Ka Syiem ki Iew	29
IX Jingshai ka Ri Khasi	32

Shi Kyntien na u khulom iba thoh

Nga buh ha khmat jong phi ki ban pule ia ine i kot
 Poitri jong nga ban ia noh lem ia ki jingmut jingsngew
 ia ka nongrim bad tynrai kaba la don naduh hyndai
 hynthai ha ka Ri Khasi baiar Da ine i jingthoh barit
 nga kvsiew pat ia phi baroh ban ia ngam sha ka thym-
 mei jingsngew Khasi kaba u Barim bajah u la buh bad
 pynshong Kine ki long ha ka jingpynshong ia ka jing
 nseit ka Seng niam Seng rukom sain dustur seng riti
 bid ia ka jingkhraw bad jingshai pyrkhat u longshuwa ha
 kiba bun ki liang Ka shong ha phi bad ha nga ban thew
 pylla ia ki nongrim ba shonghok shongblei bad ki bym
 mulot satia wat la kyrshem ki por bad tyrsiang ka rukom
 pyrkhat ba phaling ka pyrthei mynta Ine i jingthoh
 barit jong nga shim bad pdiang ia i tang kum i dak pruid
 barit jong ka jingsdang khnang ba ki pateng kiba hadien
 kiba la kiew irat ka pule puthi kham sha klier kin loh
 mynsiem ban pynroi bad pynskhem kham bha ia ki
 Nongrim ba la syngkhong ki Kni ki Kong

Ha kane ka thup poitri *Ki Syrwei Umjer* ka long ka
 jingpyrshang ba sdang bad barit jong nga ngan kyllum
 lang tang na ine i jingiohi jong nga ha ka mariang bad
 iba la kysiew jingmut ia ki jingpyrkhat pyrdain jong nga
 Khrik khrik kumba tuid i um lawang Ia ka dor ba
 nylla bad bym kylla ne hap dor ka pynshong nongrim u
 Khasi hyndai la ha ka Tipbriew Tipblei Tipkur Tipkha
 bad kiwei kiwei ki jinglong kiba pynphuh pynphieng ia
 ka jaitbynriew ha khmat ka pyrthei bad ka jingksan ka
 rukom pyrkhat u Khasi Kumba i umjer ha ka sla wang
 i tuid phyrnai khlem shah kjit ha ka meingi hynrei i noh
 lade sha mei ramew kumta ruh kan iai long sha ki rta
 bah ka tyllong bad ka tyndai jong ki nongrim u long
 shuwa ha ka jaitbynriew Khasi

Ia ine i poitri nga la sngew dei ban ai nam bad buh
 burom ia ka kyrteng i Mei baiet eh jong nga I LEPHI-
 MON RYNJAH (Bam kwai ha dwar u Blei) iba la khlad

noh ha ka 17 tarik u Nailar 1940 kat kum ka rukom
pyrkhat ha ka dustur Khasi bad ka jingduwai kumne —

Da kian jingieit phi lam phi da
Da rngiew phi pun lynti jong nga
Ka buit ka bor n u Blei babha
Deiti phrangsngi ha shi para
Jingleh barit kum mawbyнна
Jainkup burom ia phi shirta

Nga dap ruh da ka jingsngewnguh para briew ia kine
kiba nga jer kyrteng harum kiba la iarap lem ranga ha
ine i jingpyrshang Nga da duwai ruh ia u Blei Trai
Kynrad Nongbuh Nongthaw ban kyrkhu kyrdoh ia ki
ba kin shait kin koit kin bit kin biang kin suk kin sain
ha la ka bhah ka mang ka lad ka lynti kaba u Blei u la
ibit ban bhah ia ki

Kumta Khu hok Khublei

- 1 Prof R S Lyngdoh
- 2 Shri L Gilbert Shullai
- 3 Shri Sondar S Majaw
- 4 Mrs Jointimon Shabong
- 5 Mrs S M Lanong
- 6 Mrs G Swer
- 7 Sri F Kharmihpen

Mawkhar, Shillong

(Mrs Sweetymon Rynjah)

All rights reserved

KI SYRWET UMJER

(I)

KA MAIA U BLEI HA U KHASI NYLLA

- 1 Baroh bynriew ha sla pyrthei
Kam pher hangne lane hawei
Ki don maia ka sap i u Blei ,
Khasi baiar ruh long kawei
- 2 Longshwa Manshwa u seng janai
Riti dustur ka Niam tynrai
Ba khun ki Khyndai bah ryntieh ,
Kin lait ka ngop ha ka jyrsteh
- 3 Na Hynniew trep ha sla pyrthei
Longkur Longkhi ka Man ka shlei
Tip briew Tip Blei ka sang ka ma
Ha khun pyrsa theh ki khana
- 4 Na la ka ding ha la Rympei
Ka spah mynsiem ki theh ki sei
Ban tei long briew shynrang kynthai
Bad Sohkhawblei rymeng ban tei
- 5 Wat la pule puthi kim don
Ki Kong ki Ni te ki bymkom
Nongrim Riti dustur pynshong
Ba jait bynriew kan sah junom
- 6 Ka Niam Rukom ban bat ne piam ,
Ka Nguh Mane ruh ha U Wei
Ba Bhoi u War u Pnar Khyndam ,
Kin nguh kin dem tang ia u Blei

- 7 Naduh hyndai na myndang long ,
Kyntien pynmih u Ni u kong ,
Jingmut Mynsiem ba u pynshong
Ka Jingbhatam U Nongpynlong.
- 8 Ia Niam Jingngeit u da pynshong ,
U Blei Nongbuh Nongthaw
'Ba lah ei hi tang Marwei' ,
Ia Baroh Nongpynlong
- 9 U Blei ba ha Khlieh tam
Ha synrop tyllong K i sot
'Wan long briew Hukum ka wan,
'Ban Kamai , tang ia 'Ka Hok
- 10 Kumba Jutang Blei u la ai ,
Ha k i Hynniew na mynhyndai
Ka Jubanlak kaba dap shlei
Ia jingmut briew, ka pynpalei
- 11 Longshuwa k i bat k i snoh
Ka Jutang Blei ba k i la loh
Da sap tipbriew ha ka tip Blei
Ia long bynriew k i seng k i tei
- 12 Longshuwa Manshuwa u theh u sei
K i khan-tang pharshi ba dei
Jingsngew Khasi bad la U Blei ,
H u Sohpetbneng bad ka Diengiei
- 13 U Sohpetbneng sakhi janai
Ba briew u dei jingthaw kynsai
Ba wan longbriew da ka Hok Blei
Ha sap ha phong, Tip briew Tip blei,

- 14 Jingmut ban ngam pyrthei ban shai
 Lyndet ia Hok' Blei u la jngai
 Lynti ban phai Blei um tyngkai
 Katno shong shai Jingngait tynrai
- 15 Lynti bynriew ban khuid ban shai
 Ia Jinglonghok pynshong tynrai
 IM HOK IM SOT ka dei ka Rai
 Ha Dwar u Blei ban ioh 'Bam Kwai
- 16 Ha kur ha kha ki kher ki mer ,
 Tip briew shong ksan ban rap ban wer
 Kyntien bi khlei honghok shongBlei ,
 Ym don kumwei tang ka Khu Blei
- 17 Jingpvrkhu Blei Nongrim ka ong ,
 Ha ki Tip Blei Khasi pynshong
 La met mynsiem jingmut pynngam
 Tip Blei ka noh baroh jingkam
- 18 Iutang Nongrim Nongthaw U ai
 Lynti longbriew ban ba ban shai
 Kamai ia Hok lipbriew Tipblei
 Kynjri kyrwoh Briew bad U Blei
- 19 Khasi hyndai u da sngewthuh,
 Ia la niam hok haba u buh
 Jingim u briew h u Blei ban bha
 Shonghok shongblei u twad, u tba
- 20 Da sap da phong paka nylla
 Ka pyrkhat Niam kaba pura
 H u briew hi ban leng Rangbah'
 Atiar 'Ka Hok,' Ka sot ban rah.

- 21 Kumba Don hok ban wan longbriew
 Bynriew u don deiti ban kiew
 Hukum ka teh Kamai ia Hok
 Khnang ba Mynsiem ha Sot kan kiew
- 22 Kane kein dei Nongrim kawei
 Kaba kongsan ka Niam Khasi
 Ban mut ban thew pat da kumwei
 La sang ka sot bad Mai U Blei
23. Maia phylla Ka Shap U Blei
 Nongrim ba skhem ka jingiadei
 Katno jemnud Uta U Wei,
 Lada tang Mai ia ngi ka dei
- 24 Ban tip la ka tynrai
 Da ngam pyikhat ia la Dientrai
 Hangta phin lap ia ka jingshai
 Jingpyrkhat Niam kaba janai
- 25 Ka Nguh ka dem ia la U Blei
 Ym dei sha ar lymne shawei
 Sha Mihngi na la Rympei
 Nguh arti duwai ka dei
- 26 Ha la Rympei ka ing ka sem
 Biang pa biang da thew ia kren ,
 Lym kumta La siar Longrem
 Blei na ing ba Ka la Rem ,
- 27 Longjot Longrem ka ther ,
 Wei haba la don ka pher
 Nguh dem duwai phirat
 Ba 'U Blei un phai ka khmat'

- 28 Haba bynríew u laít u let
 Mynsiem Leh hok u da kynthet
 Kyrkhu kyrdoh na u kí phet
 Baroh jingkam Kyrtoh Lyndet
- 29 Mynsiem Tiplém na u ka rwa
 Jingmut pyrkhát phalang ía Bha
 Balei Jingthaw kongsan ba u makna '
 Sngewsih Buhkhoh U Blei ba bha
- 30 Kumba ía don ka sot kular
 Na mynhyndai ía Ka Jutang
 Wat ía bynríew u laít u let
 Nongbuh Nongthaw Shu phai Lyndet
- 31 Wat ía kúttá u jot u rem
 Íyntí ban phí ía íad ban ía kren
 Blei Írai Nongthaw ía Brieu ía ía
 Ban íeng rangbah d u Brieu ka Rai
- 32 Longjot Longrem ía Blei pynshai
 Mynsiem Tiplém sha hok pynphai
 Duwai phirai Nguh Dem ía ía
 Nongbuh Nongthaw Ka khmat un phai'
- 33 Haba ía suk sngewbha u Blei ,
 Jingmut pyrkhát kam kí palei ,
 Jingpyrkhat Níam kaba dap shlei
 Hangno phin wad ía ía ía pyrthet ?
- 34 Longjot Longrem phin said Marwei,
 Ha khmat uta Uba Lí sei ,
 Ía íam duna Nguh íet ka ía ,
 Da U shah Thaw , ía ía U Blei,

- 35 Lad ban ia kren bid l u Nongthaw
 Naei longjot longrem ka roi ka par
 Ka khan ka shat khein ka bishar
 Long tang Rukom ban thwet ia daw
- 36 Kumba la don ka jingiakut
 Ka jingiadei bym lah dkut
 Jingkna jingkhriam ai ka sabut
 Ki dak ki shin b la khuid ka thut
- 37 Kum u shahthaw ba bat hukum
 Ia u Nongthaw u da pynhun
 Ki dak phylla ba paw shynna
 Ba Blei i u briew u doh u thum
- 38 Tymmen u san nvnleh pynkam
 Da twad longrii kaba k ng in
 Ban tip sngewthuh Khe n ka Bishu
 Ka sait ka thew ba un pynwan
- 39 Ba briew manta u la sngewthuh
 Tip briew Tin Blei Hok u la iuh
 Da Iengrangbah ban ym leh shuh
 La hun la suk kren Phi khatduh
- 40 Pynsngew pynsngap bad la U Blei
 Kyntien kordor ba dap ba shlei ,
 Kyrkhu to ri to synei
 Ha ka Jutang ba la ia khlei'
- 41 Nangta pynbud Ka Nguh ka Dem
 Ba Blei la suk Longrem la weng
 Kynjai trei ktah, ka thiah ka dem ,
 Lynti ia suk bad Blei la shem

- 42 Duwai phirat briew u da long ,
Longbriew ban roi Longspah ban shem ,
Da lad lynti ha Kamai Hok
Ia la Thawlang lawbei u da syllok
- 43 Bor briew phirat da sngap kyndong
Ka bhah ka mang ha Me ka shong
Jingbha longing ba kan da phong
Ia ka jingsuk Khyndai hajrong
- 44 Ah Blei Kynrad Shi hajar nguh
Ka dap ka biang kynshew pahuh
Ki soh syntiew ban roi ban puh
Kyrpad kyrpon ha Me nga buh
- 45 Buit ka akor ha mut da shon
Long maw long dieng bi kin da long
Ba kin pyniaid jin im ka mon
Ha jingiatip bad Me na jrong
- 46 Longhok longsian bynshet ai lad
Na kut Sawlyer jingnang jingstad
Mynsiem long hok ban ym ia khlad
Kyrkhu ialam Blei Trai Kynrad
-

(II)

U KHASI BAD KA KAMAI SPAH

- 1 Hyndai u kren ha kama! spah
Ba kan kiew khieh rta khynnah ,
Ne ba kan wan Umsaw - lapbah
Ia spah Mynsiem ka rong ka rah
- 2 Halai halai briew mon pynphai ,
Ia la jinglong sha Ka ieit sbai
Kyrdañ - kyrban da lad byrna!
Ia Jingmut Hok , tyndep tyndai
- 3 Jingmut u shain Tiplem ka swai ,
Pyrkhat pyrdain ki ngen sha rnga!
Lit peit phalang rupa u sbai
Tip briew tip blei ki long kam kai
- 4 Ka rhah bishni lalot Jingsniew
Ia ka Tipbriew ki kah syrngiew
Kulong kumah briew um phohsniew
Mynta saindur ha Mut u briew
- 5 Ynda bynrnew ha Mut la brai
Ha u jingsngew ruh la myllai
Baroh jingkam bam sap u sbai
Kamai ia Hok baroh la snai
- 6 Mynsiem bam sap ka ang ka tur
Da khwan-ranab na kha ne kur
Ka pyrkhat briew bym lah mut dur ,
Ia shun ia pen shi kha shi kur

- 7 Sur ka 'Tipleu' shkor um lah kem,
 la sap Tipblei la khap la khem ,
 Jingleh jingkam la shu myllen
 Pharshi khana u khla u thlen

- 8 Jingam u briew iongnit ionngain ,
 Tyllep tyrbun ki snoh ki spain ,
 Tyndep tyndai i u briew ia rain
 Ha laiphew smer, tyrut ka spain

- 9 Jynjar jyntrah ki sdang ban kah
 Jingpang khyllah ki wan ban sah ,
 Ka tieng ka Ngiew ha sngew kim pah ,
 Jingsuk n u briew Blei u la rah

- 10 Jingtup ka wan ha dur khyllah,
 Da saw da sian ryngkat ka rah
 Ym tang shi met Rynieng tynrah
 Ia dur long iing ka bhoh ka pah

- 11 Ka spah bym-Hok tynrai long jot
 Horkit hordang kum Anamot
 Ioh ei tam ei ha ing kim khot
 Ba ki bam pong ia Kama! Hok

- 12 Tyngka ioh ei bad ka khalai
 Khasi ki eh pynrung tyndai ,
 Ba Kama! Hok ki biah phongrai ,
 Katno shonghok jingsngew tynrai

- 13 Khan pateng ha thew ne woh ,
 Kam pher da maw ka shang ne khoh,
 Shaniah ki briew bad da iaroh
 Kama! ia Hok , ki da pynioh

- 14 Jingkraw pyrkhat longshwa jong ngi ,
 Deiti long briew ai ka sakh
 Mynsiem 'tiphek' lehhok' ka siang lynti
 Bynriew balei hadien u leh bai ?
- 15 Kama ia Hok kyntiew jylliew
 Da lum ia spa na um tynriew ,
 Ban neh ban khein u briew la 'rngiew
 Tip hok tip sot' ha Rwiang ban kiew
-

(III)

DUSTUR KHEIN KUR U KHASI

- 1 Khasi u sain Dustur u seng Riti ,
Na soh ka Niam ai ka sakhi
Tyrrai Nongrim shong hok shongblei
Ia jait bynriew ki pynpalei
- 2 Da sap da phong Tipbriew Tipblei' ,
Dustur, Riti, ka Niam u tei ,
Nongrim ba skhem u teh kyrdot ,
Dor ka jong ki khlem da mulot
- 3 Pateng ka jait ka khong
Na ka lawbei dustur ka ong
Ain briew Ain Blei ba u pynlong ,
Ia u thied bah bym lah ban khlong !
- 4 Deiti kyrdan ba u pynkham,
Mynsiem kohnguh tipsngi tyngkan
Baroh longshuwa u la da khan,
Laitluid ban biang ka leit ka wan
- 5 Ym tang kat tei wat la ha Niam,
Ka khreh ka khrum kynthai pynbiang ,
Niewkor shaniah ha ki la siang,
Ka spah ka phew bad baroh riang
- 6 Riti Dustur kam mut ne thew,
Ba ki longtrai ha spah ne phew,
Ia ki Nongri sumat la aiw,
Kane Nongrim' jingmut to sngew!

- 7 Ia dur longkmie u da pylla
Jingieit ka kmie bad ka Meikha
Ha ar ki dur ban beit ban bha
Longkha Longman ban ym makna
- 8 Longjer Longthoh u da kynnoh
Khlem ka Meikha kyrkhu ym ioh ,
Ia long rynieng pynkham pynsoh
Mynsiem Tipkha u da pynioh
- 9 Ki soh-syntiew ha ka poikha
Ban tip ka iam ka Nguh Meikha ,
Pateng longbriew ban neh ban bha
Longshuwa da thiar da khiar pura
- 10 Pateng pakit na Sohpet kha
Bteng longkha ban da suitkha
Ban wan kyrkhu jong ki Meikha ,
Ba longbteng kin dap kin bha
- 11 Khasi ki ong ia khun pyrsa
Leit kiaw kurim hadien poikha
Kynthei ka lam shuwa la Meikha
Nangta pynbud sha kiaw jura
- 12 Jingpyrkhat hok jingthmu ba bha ,
Jingleh jingkam tip briew shisha ,
Ka burom briew ba i shongkhia ,
Ba long bteng h'u Blei kin bha
- 13 Katba nangiaid ki por ki sngi ,
Dustur kyrdan long kmie Khasi
Nangroi Nangkiew lem ka puthi ,
Kyrshem ki por kam wit ia ki

- 14 Nongrim khlem twa, hap biang kylla ,
 Ha lad jingbha ban nang paka ,
 Ia ki Dustur Riti kam ruid jyli ,
 Tei thup longung suhsueng ka Ri

- 15 Ki por ki juk kylla mynta
 Kynthei longkmie balei rumia ?
 Shongkha shongman huri hura ,
 Ki khun ki kti ha Ka Pongka ,

- 16 Pule puthi la kiew maki
 Bhabriew jinglong pat nang bthi ,
 Lahduh padan ia kpa ia kni ,
 Lait lan ki shim baroh lynti

- 17 Lym jngai iohi u Ni u Kong
 Ba bteng jait ha ki ka long
 Ka jait bynriew katta la rong
 Mihngi Sepngi Kharlieh Khariong

- 18 Ko Thei ka Ri pyrkhath maphi ,
 Burom ihot ban ym iaphi
 To kup to phong ym ia rongphong
 Jinglong pynkhia kum Riam Shirong'

- 19 Kyrdan kynthei ka Ri jong ngi ,
 Kaba dustur la pynkhamti ,
 Kum ka sharak kan ba ban i ,
 Jingshai, nuksa ia Bha sakhi

- 20 Dustur ka ong, shabar tyngkong ,
 Korbar sorkar u Ni u Kong ,
 Ryntih longung ha ngi ka shong ;
 Kyntien na ki, ain ung ka long.

- 21 U Rangkhasi ba donbor tam
Arbor a kup, ar ki kyrdan ,
Ingkur Ingkha ba un ia lam
Ka bor ktiaf ba un pynwan
- 22 Longshuwa jingmut u da pynngam
Ha ki kyrdan ki long shyarang ,
Ia baroh 'Mut' u da pynwan
Ia dur u Kni Suitnia Thawlang
- 23 Jingmut jylliew ba kit mynsiem ,
Balei dustur Khasi kam liem ?
Nongrim jong ka kiba leit siew ,
Wat la kyllah ka jait bynriew
- 24 Ha sain dustur bad seng Riti
Jingsuk u teh longshuwa Khasi
Da sap Tipbriew pyrkhat sam
Balei Nongrim phin pynbaji ?
- 25 Kynjri kyrwoh ba la pynsnoh
Pateng khein kur kumba la loh
Kin phnieng kin teh syrwet-syrdoh ,
Ia jingkylla thawstad kin woh
- 26 Ka dei kongsan ia ngi baroh ,
Ban peit bishar la Lyngthohdoh',
Dustur, Riti kamra Deiti ,
Ia shuwa ka bit, kam bha ha ngi ?
- 27 Longknie longkpa ki don ka kam ,
Ha khun ha kti kynthei shynrang ,
Nongrim tiphok, tipsof ban lam :
Ym tang bsa, pynheh pynsan,

- 28 Longling longsem ia dur pynwan ;
 La ha kynthei ne ha shynrang
 Ka spah mynsiem bym kiew sarang
 Kumba longshuwa u buh u mang ,
- 29 Ha long shynrang ka rngiew da tan ,
 Na dang khylung ha ban da san ;
 Ha long kynthei jungsang da ban ,
 Ba Ain pyrthei na ngi, natsa kan lam
- 30 Da kumta kein ka dur kan wan
 Ka dur long ung bym man ia than
 Kynthei kohnguh, Rangbah ha phrang ,
 Na Mei rilung ha Mei risan
-

(IV)

POIKHA HA U KHASI NYLLA

- 1 Dustur khein kha ba biang pylla
 Longshuwa u phla ha phi ha nga ,
 Da sap 'Tipkha ba khlem bakla
 Ba jait bynriew kan roi kan bha.

- 2 Adong bidong da buh mana
 Ia 'sang' ia 'ma da trei im kynsha
 Ioh siar ioh wet ka Lait kylla ,
 Ha i Longkha ban poi ba bha

- 3 Nongrim ba skhem ha ka 'Tipkur' ,
 Horkit ' ym bit poikha shikur
 Kumjuh ka long shipara kha
 'Sang iap sang im adong ka phla

- 4 Pateng ki lai na liang u kpa
 Shong kha shong man u da kyndong ,
 Ban bha ban miat pateng ka long
 Long shuwa man shuwa u da pynshong

- 5 Pynbud Nangtei Longshuwa u ong
 Na kur la jong ha kha kiwei ,
 Haba don teng ka jingiadei
 Ai khaw kyliang kam bha jynde

- 6 'Teh kur Tingkur ruh dei kiwei
 Kiba Khasi pynsngew ha Blei
 Poikha poiman ha kum kitei ,
 U shim ka sang kum kur ka dei

- 7 Haba kyrshem ka duh ka iap
 Ka jingkhlad noh kynthai shiliang
 Kiew khlieh ha kha u da kyndiah
 Katba hajuh sharum ka biang
- 8 Na kha kiwei ha kur la jong
 Poikha poiman don ka jingong
 Symbai Nia Kha dei ban pynshong ,
 Wat la shijur Bakha ki long
- 9 Katba dang im u kur la jong ,
 Ia kam ia khot ka shong kynrong ,
 Ka sang bym bit wat la kim don
 Iadei salit baroh kin ong
- 10 Na sohpet kha khun ki Bakha
 Ka jingladei wan dur niakha
 Kyndiah na ka tymmen ki phla ,
 Longbriew kam biang tam ne duna
- 11 U sain dustur khein kur khein kha ,
 Nongrim pai ba bha nvlla
 Ki jait bynriew ba khuid suba
 Ha ka ym don dur ba kynsha
- 12 Jingmu kynsai shonghok shongsbai
 Jingstad saian u riwhyndai
 Khein kur khein kha kaba janai
 Ka jait bynriew ba khuid kynsai,
-

(V)

AKOR BUROM HA U KHASI

- 1 Akor babha kam lut eiei
Hynrei pynthiang ia jingladei
Khlem siew bai lut thied ia pyrthei
Ka spah jinglong ba dap ba shlei
- 2 Da sap tip briew Khasi u sien
Akor burom baroh jingmlien
Ha iaid ha ieng baroh kyntien
Akor ka Ri ka da suh sieng
- 3 Mynshwa ki por ym ha mynta
Akor Khasi da bha shisha
Wat la jingstad ka dang duna
Akor, burom ka dap pura
- 4 Ia jinglong briew akor kyntiew
Baroh jingmlien babha kyrsiew
Ki Puramit ban bha ban kiew
Khasi sara na trep tynriew
- 5 Akor ka dei jain kup jain phong
Ba sop ba spain ia ka jinglong
Ai ksa! ia ka na la tyngkong
Da mei da pa u ni u kong
- 6 Akor ka tai jingleh jingkam
Kumba jingmut ia Hok ka ngam
Jingladei briew Khasi pynwan
Naduh nahrit haduh longsan

- 7 Longshuwa da sneng ki khun ki pyrsa
 Ia ktien Mame lane Mapha
 Kynthei shynrang ha shi para
 Na la ka ing ia khot ia kam

- 8 Khasi da tip akor ba tam
 Baroh jingleh ka teh lakam
 La mei la pa akor sapa
 Meinah meisan kumjuh ka wan

- 9 Jingledei kha akor tip kha
 Akor da mang hap biang pylla
 Ba khun pyrsa pynlang ia ka
 Ma ki da loh jinglong ba bha

- 10 Marjan marpa ba shong syndah
 Jingkren jingsneng u da bthah
 Jingledei lang da buh da kah
 Ha ktien ha kam akor ka lah

- 11 Umsait umkhlieng kumno ban theh
 U niut u jer ban pret khaleh
 Jingsngew kiwei burom da theh
 Imlang sahleng ia Bha ka beh

- 12 Lynti syngkien ban laid ban ieng
 Akor longbriew u da kyrshem
 Ba kiew ia jur ba hiar ia them
 Baroh pynsngew, ka pyrkhat lem'

- 13 Ba kiew tylli i u thiep u jur
 I u kit u bah ba hiar wat tur,
 Mar laid thylli ha thiep ne jur
 I u briew ba hiar wat mlien kyntur.

- 14 Na ka akor burom ka peh
Phi stad phi nang wat la phi heh
Akor sympain baroh ka teh
Long kum astor ba dei ban sleh
- 15 Burom ka long jainkup nalar
Kam pher wat la phi riam da khor
Jinglong thadrong khlem ka akor
la long rynieng phi die tad dor
- 16 Ha u Khasi jingsneng ka ong
Wat pynsahjit la i jinglong
Akor ba hok ba bha to phong
Ban im kyrteng kiew ka burom
- 17 Akor kam pan bai seng bai siw
la jinglong briew ki pynbhi briew
Khasi ki ong Akor ka shong
Dohnud ki khun ka Ri lajong
-

(VI)

JINGSDANG KA SYNSHAR SYIEM HA U KHASI

- 1 Jingwan longbriew ha sla ramew
Blei Trai Kynrad da mang da thew
Bynriew u Syiem jingthaw laipheuw
Nongkynti hok paid u Hynñiew
- 2 U Hynñiew trep u hynñiew skum
N u Blei ha jrong da wad hukum
Ka bor synshar ka Seng Riti ban phrung ,
Baroh ki kam ban lait um dum
- 3 Ka seng Riti Synshar ia la u paid
Na dorbar shnong ha raid ka long
Ba ki nongrit laitluid kin phong
Basan Lyngdoh ha niam u said
- 4 Ki shnong ki raid nangsa nangkiew
Nang iar longbriew jingmut kyrsiew
Tylli tehsong kham bha ia jait bynriew ,
Ka synshar Syiem u prat u thiew
- 5 Ia jingmut briew jingthmu ka siew
Kumba da khnong ka seng Riti ban kiew ,
Ha shnong Bisi la phriang khubor la riw ,
Ba wan poi wir wan rieh iwei i briew
- 6 Mawsiang Umiew shongkat i briew
Theirit bhadur bym shat ka ngiew ,
Sharai masi ia shnong ki wan kyrsiew ,
Maki tang shur i phet sha thiew
- 7 Ha shnong ha thaw sawa hi ir ,
U pait hajar da kiek lamwir ,
Ia briew phylla ba wan poi wir ,
Ia mut, pyrkhat da dung hi kir,

- 8 Khubor antor ia shnong pynkieh
 Longheh longsan Bisi pyrkhat kyrkieh
 Ia riew phylla ba wan poi rieh ,
 Khatduh khatwai rai shnong u sieh

- 9 Hukum ka long Sngewdei leit peit
 Khana ia lir ban shap ka ngeit
 Khih buk u pait sha krem ki leit
 Rang Myllemngap Syntiew da kheit

- 10 Ha khroh ha pah da Jalyngkteng
 I thei bhabriew i mih na krem
 U Myllemngap na kti u kem
 Khlem poi pyrkhat tehkur kan ieng

- 11 Ha shnong Bisi khynwin hi jlang
 Ia riew phylla ban peit ki wan
 Iaroh ia dur ka main bad baroh lang
 H u Myllemngap ka dup pynheh pynsan

- 12 Khasi u dei ka jait bynriew
 Ba nang pharshi kyntien jylliew
 Ia mot kynmaw jingjia ban siew
 Longjer longthoh kyntang Ka Pah Syntiew'

- 13 Jingjia ryngkhat ia thmu kyrshem
 Ba synshar Syiem Khasi da ai kyrmen
 Poi wir bapli jait syiem Khasi pyndeng ,
 Iawbei ki syiem h'u Blei da dem

- 14 Nangne Khasi long Syiem u plie ,
 Ia bor bakhraw dorbar ban ym dule ,
 Ba synshar Syiem ha kam sule ,
 Jingmut jingsngew U Syiem u kmie ,

15. Kumta lai jait lai kpoh hima la loh ;
D u Mylliemngap Wahlang bad u Kharboh ,
Hima Shillong kyrteng ka nam da loh ,
Ka kha ka khriam h u Blei pynsoh

16. Ka synshar syiem nangne la phie
Na lawbei syiem u syiem u kmie
Dorbar hima ka bor baroh ka khie ,
Kaba u Syiem u kmie ym bit dule

17. Ki nongialam nangroi nangsang
Na daw ba ki khap raid ruh ki la wan ,
Dorbar hima kyntiew ia nongialam ,
Na saw basan sa saw myntri la wan

18. Dorbar hima nang phuh nang phieng
Ha ka dorbar don ruh u Lyngdoh
Myntri mih khmat kham shai kham shur
la la hima pyniar da bor jingshlur

19. Kumta ki nongialam dorbar la long
Da khyndai raid b la wan sohlang ,
Da jingshynrang mynsiem bad jingshemphang
Ha khyndai bah Ryntieh ka nam pynlang

20. Ki sngi ki wan ki sngi ki leit
Hima Shillong ruh nang iaid beir
Kam poh hima bakhraw ki peit
Ka sumar Syiem saw kur ka leit

21. Sawkur nadien shimti deiti
Ban ri sumar longsyiem da ki ,
Ka sad sunon ing syiem paki
Hima Shillong Nongbah la pli

- 22 Nongkseh kylla nongbah ki Syiem ;
 Ka nam rukom longshuwa u sien ,
 Syiem sad khamti jingleh jingkam
 Jingkha jingkhram bad ka duwan,
- 23 Halai halai Hima Shillong ka pra
 Da kam pohng ki ia khreh thma
 Khatduh khatwai duwan ka pra
 Thanglieh thangiong ia khatar sla
- 24 Namar Khasi hyndai da juban Blei
 Ka sain dustur bad seng riti u sei
 Kumta haba kyllon ka duwan Blei ,
 Ka sad sunon pynieng haei ?
- 25 Ka shat kam phla u nguh u dem
 Pyrkhat seng sad ha Langkyrdem
 Namar ka shap tip Blei ha u dang shlei
 Nongbuh Nongthaw pakhang ka tei
- 26 Khatduh khatwai Longsyiem ka pra ,
 Longshwa manshwa da siang da phah
 Ba synshar Syiem un ri un da
 Wat la bynriew jingleh bakla
- 27 Kumta ka Lei synshar ka rai
 Raibi ia pait bynriew khlem sait
 Khlem Niam Rukom Longshuwa kam shait
 Da peit bishar na ka phin lait
- 28 Ia thymmei hok longsyiem ka mait
 Ba sad sunon bynriew u paid
 Da khein bishar ha jutang Blei
 Hima Khyrim nongbah ka Smit u tei,
-

(VII)

KA BOR U SYIEM HA KA RITI SYNSHAR U KHASI

- 1 Ka Senghima bad Seng Riti
U Hynniewtreng ngai u loh
Na dorbar shnong ha raj u ong,
Hima Sima ka it ha jrong
- 2 Na Rangbah shnong h u Basan raj,
U Seng Riti bishar l u paid
Tylli tehsong ka suk pyndait
Synshar khadar da kum ba mait
- 3 Synshar Lahduh u da sngewthuh
La kam jingteh ruh u la buh
Kyrteeng kynnoh ruh u la plie
Ha dur bhabriew U Syiem u Kmie

Jingmut pyrkhat leit kam u sei
Ka bor synshar ruh ha uwei
Ban teh ban khum tangon lyman
Gyrut ka smer ha u kim wan
- 5 U nar u ser bili kynda
Ha u long Syiem Riti ka phla
Na mynhyndai ka long kumta
Mynta ha ngi balei ka rwa ?
- 6 Long Syiem long kmie Khasi u plie
Ym dei Ka Bor ba paid mane
Ka jingladei ba kum u Kmie
Khun u Hajar , kyntien lape,

- 7 Riti synshar ka Bor pynwan
Bakhraw Batri Dorbar kyrdan
Na ki baroh Iktiar ka San,
Hima-Sima jari ka wan
- 8 Ha Syiem pynkit saikhum saiteh
Hukum Dorbar u dei ba leh
Ia kyntang Syiem u da pynneh
Byrsieh la jait Bakhraw kim treh
- 9 Ka suk ka sain Hima Sima
Da knia da khriam h u Blei ban da
Ka sad sunon u seng Paia
Khlem ka Syiemsad Longsyiem ym bha
- 10 Ha sap tipbriew synshar u seng
Ka jingladei bad sohpetbneng
Ha ka tip Blei u da pynieng
Riti synshar Longsyiem u seng
- 11 Riti synshar pyniad hima
Longbriew u Syiem u da phira
Longshuwa kyrpad Bor Blei phylla
Ha ka Niam Syiem sakhi pura
- 12 Da Ain Dustur u buh u mang
Longsyiem ban im da Khrong ka dan
Na iew na hat baroh kan wan
Kamai loh spah ha u la khang
- 13 Kumba long syiem la seng la tang
N u briew ha Blei da ka jutang
Niam iap pynleh iapduh iaptan
Ka spah jong ki sh u Syiem ka wan

- 14 Khyndew ka shyiap ha raj hima
 U khun hajar longtrai ia ka
 Brikur kynti ba la skud thikna
 Ka ri bam Syiem da buh jaka

- 15 Ki iew ki hat Longshuwa u seng
 Jingmut Nongrim u da pynieng
 Ba long jaka Khai pateng
 Tyndai tynriew ka ing u weng

- 16 Sem iew sem hat dei ban pynieng
 Jaka thied pet khai pateng
 Shonging Shongsem na ki u weng
 Ba thud ba ud ki blei dken

- 17 Sawdong ka Ri Khasi jong ngi
 Laidong basa ki sem ba ju iohi
 Ha ki ym don ingskhem dulan paki
 Kumba dur iew mynta ia pli

- 18 Ban biang ban bit ka siw ka tda
 Jaka iew hat da buh thikna
 Kylla pali hap biang ki sngi
 Iewduh heh tam ha Ri Khasi

- 19 Jingmut pyrkhath u kyrshem
 Ia lad ban roi khai pateng
 Kynti longtrai Basa ki sem
 H u khun hajar hok u pynieng,

- 20 Nongrim Longshuwa u da kyntei
 Longtrai Basa h u khun ka dei
 Balei mangi ban pynsep ei ?
 Ai wai, ai jin, bynda kynrei.

- 21 Iadie iathied khai pateng
Ia jait bynriew ka spah pyndeng
Balei Khasi kin sah pongdeng
Minot kyndiang phin lah ka ieng
- 22 Mynsiem da phai jingmut da shon
Khasi pateng laitluid ka don
Shakri shong mraw baroh ka phon
Khai pateng pyndep ia Mon
- 23 Raiot, khai wait poiwir jan shnong
Basa sem iew kim loh ban shong
Ba long raid noh u paid la jong
Ia die ia thied long kat ba mon
- 24 Longsyiem longkmie da knin pule
Sem iew sem hat ba phin bate
Tynrai Nongrim ba kan sule
Lawei Khasi ban ym pute
- 25 Ha thma ha ktien da wait pynliem
Kyntien mana bidong da sien
Thangung thang sem ka tuh ka thiem
Khasi hynd u l u paid pyntriem
-

(VIII)

IEWDUH KA SYIEM KI IEW

- 1 Ka syiem ki iew ka san ka sei
H u pud u sam kumba la tei
Ka riam ka dur ba i nongwei
Khai pateng long ksan poi ei

Nongrim ba seng la ha jemdaw
Bynriew la thmu la khet lyngkar
Nongri sumar khlem ut bishar
Kat shaba phai li boh ki tnaw

Rukom synshar ki wan ki leit
Riti seng iew kim lih synggei
Nongrim ka ai u soh ban kheit
Paidbah u syiem ka biang ka beit

- 4 Byrsieh byrsang lewduh bapli
Ba khun hajar la hok um ri
Ka bok ka rwiang ruh la thylli
Kiew khieh poiwir ba wan shi sngi

- 5 Ym tang katne ba ngi tohi
Ha Syiem ki iew ka Ri Khasi
Lali lakad ka lailili bthi
Synrum pyunkit lewduh jong ngi

6. Jingmut pyrkhath da ai ka ngam
Ba ym doh shuh ka sait snam blang'
Ramew ka iew ka ud, ka kyang
Jyrsieh sa tang Kyndup saipan

- 7 Nongri sumar khlem iit bishar
Ka thymmei daw ban kem ka lar
Ka shait ka khein kam kren la khnong
Sngewsih buhnud U Lei Shyllong
- 8 Longshwa imat u khlem da mait
Hima Shyllong pohing raibi ia pait
Thanglieh thangiong Nongkseh sunon ban sait
Duwan ki khatar sia lewduh la tait
- 9 Bakhraw batrı da bor iktiar
To shim to da jyrsieh da kiar
Riti dustur kyndiap kum ksiar
la khun hajar ka hok wat pijar
- 10 Dorbar hima to do pynlah
Lan kit tylli da bor radbah
Niam hok ki Syiem ban khot ban pah
Riti Nongrim Synshar paitbah
- 11 Dawjot dawrem da pynkhylllem
Saipan ka pdok da ai kin ngen
Kumta kin wan ki Blei dken
Iew duh ka Ri lai ap kyrmen
- 12 Bakhraw Myntri Dorbar da shim
Ki lad lynti ban ieng Nongrim
Kyndon jingteh, thymmai u thning
Ka saifi pyrkhat Longshuwa ban im
- 13 Ka khraw pyrkhat u Longshuwa
Nongrim b u buh khlem jingbakia
Ba khun hajar un suk un bha
Long Syiem long kmie un ri un da

- 14 Tynrai Nongrim kam pat ne rwa
Ba hok long trai khun ka hima
Kan lait bynda ne sah boina
Da lad pynbha long syiem to da
- 15 Kyndon kyrwoh da buh da noh
Ba khraw Myntri Dorbar baroh
Ki lad iada pakhang da bnoh
Jingthmu barim ba kan sei soh
- 16 H u Syiem u kmie ki lad dang plie
Tipbriew tipblei hok un khyllie
Tynrai Nongrim Riti ban da sule
Ba ia biang dur U Syiem u Kmie
- 17 Da sap tipblei riti u sei
Kyrpad kyrpon ha bor u Blei
Ba synshar syiem kin long kawei
Ka Mei ramew ka ud ia ka jynde
- 18 Riti baseng ka phang da buh
Nongrim bha tam kumno yn iuh
Wat la synlar ngim lah ioh shuh
Ka pynieng daw kan lai khynniuh
- 19 Ki snem ki wan ki snem ki leit
Kumno longsan phi lah khlem peit ?
Ba hok u pa d ki suh kyrbert
Bakhraw dorbar da bor syngngent
- 20 Blei Trai Kynrad na jrong u peit
Ba Ri Khasi shano kan leit ?
Muluk Jaka synreit kynmaw
U khun u paid pynieng la daw

(IX)

JINGSHAI KA RI KHASI

- 1 Kɪ jait bynrɪew ba tang shɪ troh,
 Khlem kɪ dulɪr bad kɪ jingthoh
 Syrwet jingshai ba la syrdoh
 Ia jait bynrɪew longksan pynioh
 Nongwei Sepngɪ kynthoh jingthoh,
 Laiphew na ar jingmut jingproh
 Katba pyrthɛi byrngut tap lyoh
 Rɪ lum Khasɪ lah da kynjoh

- 2 Jingshai jingstad da aɪ sakhi
 Ia ka peit jngai ban bha ka Rɪ
 Lawɛi ban shai tynrai ban phai
 Namar jingthmu ba klaɪ kɪba kynsai,
 Kɪ moɪn manik bym lip phyrnai
 Pyrdɪ jingtip ieng soh pynɪ ɪ
 Da rwaɪ iaroh myllung ka rɪ
 Ia sain Riti longshuwa jong ngɪ

- 3 Khanatang da aɪ sabut
 Ba Khasɪ kɪ stad ha kut
 Phareng um shlan kawut
 Da u phud pyrton kɪ tup
 Rɪ Laiphew hima ba suk
 Lei mariang shadem ka kdup
 Da thnum pyniar muluk
 Ia rɪ thor u jop da suk

- 4 Ha kut mariang ba skhem
 Laiphew hima ka rɪ u shem
 Ban kiew sha ka na them
 Lad lyntɪ kam long ba jem
 Mynsiem ɛɛt rɪ ka rhem
 Ba jingshai u paid u deng
 Kut lad mariang kumta u weng
 Da ka buit u da kyrthem

- 5 Phareng khlem pynmane
 Lad iadei kumwei u plie
 Ka sain hima ba la khie
 La ki khmat um pynbyrie,
 Ba nongrim riti synshar
 Bor u paid dorbar ka plie
 La ha khlieh u Syiem u Kmie,
 Bor u paid um lah dule
- 6 Jingkynthoh da phai kynmaw,
 Sa ia phi buh da u maw
 Sain riti ba la pynngam
 Paid ka ri pynieng la daw
 Phareng jingthoh u mait
 Ba um snam kan jin da lait
 Jingshemphang ba u iaid lait,
 Paid Khasi da snam un sait
- 7 Ia nongrim Riti tynrai Khasi
 Jngai iohi nongwei sepngi
 Ba u paid ki lum khasi
 Khlem atiar da snam un pli
 Ban ioh ia rung bad ki
 Buit sianti ym ramshaki
 Teh kular kumta u plie
 Shna surok Nongkhlaw sepngi
- 8 Teh kular ba la ia sieh
 Ki nongtrei khar iong khar lieh
 Ia ka suk u paid li wieh
 Ba iot ka her peisieh
 Ba khraw longsan khiih ir
 Li akor sepngi poi wir
 Sangot da bom hi kir
 Ba dorbar kan ioh ia njar

9. Ia Iskat kyrwoh ka phna,
 D'u Kapten White u phan sha ka,
 Ka Nongkhlaw dorbar hima,
 Jin haduh ar sngi ar ia
 Ba u paid ki khatsawphra
 Um lah shah akor khyllah
 Ia burom ijot ban da
 Paid jong ki un ieng da thma.
10. Kapten White mynder sepngi,
 Kum tyngshop u sngap ia ki
 Ka said thma dor bar Khasi
 Jingpyniaid um pat iohi
 Ka jingstad u paid Khasi
 Bym shem koit ha Europe hi
 Pleng ' h u paid iktiar ka Ri
 Tang atiar u Syiem jong ki
11. D u khulom kynthoh u plie
 Ia jingstad rangser ka ri
 Ka synshar paidbah ba la khie
 Ka jingshai ki kpa ki kni
 Ba Khasi u la kham shuwa
 Ka shemphang ha sain hima
 Jingiadei lad kan kham bha
 Buit pyn iar ban da shata
12. Ha kaiphot ruh u da phla
 Ia ki briew bad atiar thma
 Ba mynsiem laitluid ka sieng
 Ki dohnud bymwit ka tieng
 Atiar thma ba ki la kieng
 La kim bit, ka khmat ka phieng
 Ia mynsiem iet ri ki sien
 Kum ka lyer ba ring mynsiem.

- 13 Kyndon ia kut ba la ia sieh
 Pynbyrsieh nongwei dohlieh
 Buk ' dā khīh u paid ha kieh
 Da u sum kī wait ka stieh
 Ba ihot kī thei ka mong
 Ngīn rat lut khar lieh khar iong
 Da kumta ka thma ka long
 Syiem Khasi ka nam u phong
- 14 Phareng ha kaiphot u da kynthoh
 Jait bynriew pynieng ia roh
 Ha u paid iet ri ka snoh
 Kī mynsiem kumno yn bnoh ?
 Da nuksa u Syiem jong kī
 Suk ka iap ha iing byndi
 Buit sianti Nongwei sepngi,
 Ka luin ler ha u Khasi
- 15 Dī peibi phareng u phla
 Ia jingshai ba biang pura
 Sūn riti ba biang shisha
 Kī nongrim dap nongmuna,
 Kān kyllon iasoh hima
 Pyniadei bad kī kham bha
 Ha laitluid kī lang kī wei
 Kī tyllong ba ksan pyrthei
- 16 Kī hok kabu dustur jong kī,
 La pynbiang da sain riti
 Khyndew ka raid ka bri
 U long trai u paid jong kī,
 Ha synshar phareng ia ngi
 Ia kī um pyndei kti
 Mokotduma kī dewani,
 Tian bishar na dustur ri,

- 17 Aın synshar ba ieng nongrim
 Aın dustur bym man thynrim
 Eh aıu ha ngı ban shim ,
 Kı nongrim ban pynkhie im ?
 Nongıalam da bat nongrim
 Ka dustur ban thew ban shim
 Kı symboh ksıar u mynbarım
 Kum shyngıar kı um jingım
- 18 Plıah jıngshai ha u Hynniew
 Paid ka rı trai ka khyndew
 Jaitbynriew ka pynch rıngiew
 Ba kı briew kım dei syrngiew
 Ing bıshar da rai kı sıew
 Jıngkynthoh kı pynkyntiew
 Kylla aın dustur kı da pynngiew
 Ba kan nguid ia jait bynriew
- 19 Ia jıngshai kı Rı la khlei
 D u phareng sepngı nongwei
 Ba hima khraw ka rı kıwei
 Leit kı wan na sla pyıthai
 Hıma syiem Khası kı sah paleı
 Kı neh slem kumba la sei
 Ba tynrai shonghok shongbleı
 Ia laıtluid kım pynthynrei
- 20 Jaitbynriew ka kup ka phong
 Kı dustur ba leit woh dong
 Ka jıngshai ba la kynthong ,
 Kylla por khlem lip kı rong
 Ka long briew pat ha kıwei
 Na jong ngı kı sdang la thong ,
 Ia jıngshai ba la syngkhong
 Wat that wet da ka rongphong

- 21 Ha pyrthei jingstad kynrei
 Ka kyrdan longkmie shaei?
 Ha lypung bha lang ki thei
 Da bor bah ki wad thymmei
 Ka phawer Ethiop ka sei
 Jingbakla ia ka ain blei
 Da sap blei Khasi u sei
 Ki nongrim bym bijai ei
- 22 Ia jingsuk ka iing u tei
 Da khein kur khein kha kiwei
 Ain dustur bym lap kynrei
 Rang ki thei biangbor la trei
 Ia deiti ki ar u da kyrsei
 La ki bhah ban pyniadei
 Wad jingshngain pat ha kiwei
 Da ain briew shiliang ki tei
- 23 Wei habi tynrai ka shong synjor
 Ki lah ma pynskhem astoi?
 Dur longkmie pynskhem lator
 Da ia said ka spah ka dor
 H u Khasi pyrkhat khein kor
 Ka shyiengkrung u ba nlor
 Ha poikha synjat lator
 Lait ka sang kim wad thombor
- 24 Ka jingshai longshuwa u bei
 Pyrkhat niam dap lak pyrthei,
 Ka nguh blei tang ha U wei ,
 Ha la iing poh ha rympei
 H u Khasi jing ngew i u Blei,
 Na mynsiem shi mei marwei,
 Sain riti bad seng hima
 Pyrkhat niam kam loh jaka,

- 25 Sap tipbriew bad ka tipblei
 Dei ba phrung u Balahei
 Ha longbriew ba wan pyrthei
 Ka jingshai na ka hok blei
 Lad jingtip da pynkyrsei
 Ha mynsiem shynrane kynthei
 Ba Nongthaw dei tang U wei
 Ha ka niam tipbriew tipblei
- 26 Sap tipbriew ka lai kyrsiew
 Ba kum u briew la pynkyntiew
 Long kyrdan kaba la kiew
 Jingsngewthuh Blei ha u la sei
 Da hok blei ba wan long briew
 Bad jingtip U ba na jrong
 Ba briew pynaid la ka jinglong
 Ha jingiatip u Nongpynlong'
- 27 Ha sla ramew kynrad u dei
 Da ar ki sap ban iaid ban tei
 Da ka jingtip Nongthaw u wei
 Kumno u wan sha ka pyrthei '
 Khlem ka hukum ne ki hokblei
 Ha ka pyrthei um long ei ei
 Laiphew jingthaw long da kumwei
 I u briew arta ki sap la bei
28. Seng niam rukom da u longshwa,
 U da pynngam jylliew paia
 Katba pyrthei ka juk mynta
 Ka kpait tynrai ka jot ka pra
 Lyei khuid hyndai ym ju sawa
 Ki rong ba sma kyllup kylla,
 Ka jait bynriew ba lait sapra,
 Jingshai nylla ba lai thaba

- 29 Ka kur bad kha da pynhara
 Ha pynleit niam u leh kumta
 Wat la jam pud ha ka poikha
 Ia la niam hok um ju tyrwa
 Hiar patengkur kyrwoh ki phna,
 Ka jait bad kur bym bit kylla
 Kumjuh u teh ha pateng spah
 Ba ain dustur, ka ker ka kah
- 30 Kumno to ngin iaid lait
 Na kyrwoh kynjri ba la pyndait ?
 Wat nud ban kan kam dait
 Ka thymmei ba u la mait
 Katba saw lyer ha ka pyrthei
 Ia jingshai ka ri ki khlei
 H u paid Khasi ka dei
 Tyllong hok ban pyncysei
- 31 Jingstad jingtip ia ka mariang
 Jylliew ka noh kumba hap khriang
 Wat la jingthoh um lah ban siang
 Ki dak ki shin ki siew kyliang
 Ki stieh ia pom u wet hi triang
 Da saw aiom ba doh ia ka mariang
 Ka sngi u bnai u shap pynbiang
 Jingmut ban shai jingstad saian
- 32 Ia sdang ka snem u da kyrshem
 Ka Lei mariang buit da ai lem
 Da sap tipbriew ha jingtip lem
 Dei por khie im jong ka pyrem
 U shad u kmen ai nguh ai dem
 Kyrkhu kyrdoh u ap kyrmen
 Ha ka tipblei mynsiem ka rhem
 Blei, Trai Nongthaw ba un rap lem

- 33 Lawei ka ri da jngai iohi,
 Ki khlaw btap ka ri jongngi,
 Na ka mynshuwa mynta ha ngi,
 Da ki ain shnong u da syngkhong,
 Ki law kyntang ki law adong
 Thoh dieng thoh siej u da bidong
 Jingshai jingstad da ieng kynthong,
 Ha pyniaid shnong u Ni u kong
- 34 Ka phur ka siang ha thep mawbah
 Jingmut pyrkhat hyndai da shtah
 Kam dong jingthmu roi briew roi spah
 Tang ka leh niam burom ban sah,
 Leh rong leh nam bor katba lah
 Imlang sahlang myntoi ka rah
 Ki lynti shnong ki pukri um bad kor shongthait,
 Ka jingmyntoi h u ba im u da pyndait
- 35 Ki lai ki san hynñiew ki mawbynna
 Sah jingkyinmaw kylleng jaka
 Hi dur maw-kni pyrsa maw kpa
 Ki maw kynthei da seng da phah
 Ba kiba im shong thait sngewbha
 Bam kwai tympew bad thuh khana
 Lynti leit iew sha bri lyngkha
 Pyrkhat sep ei lehei kam ioh jaka
- 36 Spahblei mynsiem ka biang ban siew
 Pateng kynmaw dei khun ki ksiew
 Hangne kein ba jingshai irat ka kiew
 Jingbit longdien da bhah syngkhien
 Lawei hadien jingbha ba u la khien
 Jingthmu ba bha ia bit lyngkien
 Jingshai jingstad ba u la sien
 Da rong ba blad wat suit pynmlien.

- 37 Jingmut i u Blei Khasi sngewthuh
 Kam trai kam duh ha mut um iuh
 Baroh pyrthei da sap sngewthuh
 Ba paid satlak tip lem pyrnguh
 La niam rukom kim long ka juh
 La sap upbriew jingmut pynphuh
 Ha jingduwai pynkut ba u la buh
 Blei Trai Kynrad shi hajar nguh
- 38 Ka synshar syiem u prat u thiew
 Jingsngew ba dap u da phylliew
 Da bor sngewthuh lahduh u ngiew
 Shano lawei ka jait bynriew ?
 H u Syiem u Kmie deiti pynkiew
 Pynkam pynleh bai bam da siew
 Na khrong ka dan ki ri bam syiem
 Niam syiem hima da pynkyntiew
- 39 Kumta u khiar hok blei ban hiar
 Kyrdan u syiem dei tang atiar
 Dei ka dorbar ba lum shvmpiar
 Jingsngew u paid da shong iktiar
 Jingbha u paid ban dup ban thiar
 Ka sad sunon da tap lyngwiar
 Niam syiem hima ba u la pjar
 Deiti long syiem lum sbai ban kiar
- 40 Ia sap ki kong na mynkulong
 Shai kum ka sngi na myndaug long
 Da phong thaw stad wat nud suit rong
 Ba jait bynriew pynkylla phrong
 Ki khlein ba shngiam baroh la pong
 Na kha kama mynder u prong
 Ri lum Khasi ban pynkyllon
 Jingshai nylla da thew maw mon

X₁

Syrwet Umjer

Sweetymon Rynjah

Sien shon Nyngkong-1989
(copies-1000)

*La pynmih bad pynphriang da ka
Khasi Book Stall, bad la shon ha
Saw Lyer Printing Press
Lumdiengjri, Shillong-793002*
